



မရာဇဝံဂေလိအသင်းတော်

MYANMAR EVANGELICAL MISSION

7/68, Chinpyan Road, Kyaungkyi Lane Ward, Sittwe, Rakhine State, MYANMAR

Email: [rakhinemission@gmail.com](mailto:rakhinemission@gmail.com)

Phone: +95-43-21873; 09454287108

MEC EMM Report 001/2020-24

To

July 13, 2020

1. Rev A Rakhai, Executive Secretary ,MEC Hqrs. Sabyhpi
2. Rev Pheitha LV, Executive Secretary ,ECM Hqrs. Siaha

**A thatih; Quarterly (April, May, June) Report piena**

Krista liata nopaw ngachhihpa y,

Beichaipa Krista Zisu mohta ei chanaoh na. Acho thatih nata azaopa ta Keima cha khizaw potlapipa Covid 19 lockdown vata thla 3 chhoh ei chakaona su vaw tlo thai khao leipa nata atahma July 6, 2020 Hriatuanoh na khata ei chakao n'awpa su EMM Office, Sittway cha ABeipa chhithana zawzie ta ei vawtlo thei haw. Field mia 5 liata Secretary zy hriatuh thokhazy vaw tlo eita ahladyna ei na vaw hnei ei. Chaliata April, May, June Quarterly reportna ama vaw hnei chyu.

Saopi daihti zy avaw chapa vata a rah chhoh chariah pyu cha varo tlai adiah via syulyu haw ba. Chahrasala thokha arapaihpazy nata refugee camp liata aypazy ama khih rah adi thei tla veih ei. Thotlah khih thokha la cha meitheh pyu zy ama thei nga tyhna su a y holo chy hra.

Hriatuhpazy hlao he thlatota eima pie thei lyma chy. Hqrs la tawhta hlao chyuchyu adaih awpa ta phusa miah ama paphao lyma.

Araihria ronahpa lai

Rev S Lathai

Mission Director

EMM Office, Sittway

Cc . 1. MEC Hqrs Officers

2. ECM Hqrs Officers

## Field chhoh duahmo Report

### 1. Asho field report

#### (a). Ama rapaihna duahmo

2020 February tawh na khata arah liata adyuhna ay awpa hawhta pahnopa achapa vata awnanopa nata arah chyhsa khi thokhazy cha abohna tluapata ama ra paih holo. Chavata ngiapatuh thokha khataih la ama ra tahpa ama pahno pha mah leipa chhao ama y.

Chakaotuh thokhazy chhaota ama awnanozy arapaihna lata ama ra paih hra. Ama rapaihna su cha atlapipa ta su 8 he pahno chypa acha. Ahluh chai he sawkha office yna khih Ann Myo liata ama chhai. Thokha refugee camp pangai eita, thokha cha camp pangai mawh ei sih la pua chara thai khao aw mapi tahpa pachapa ta ama odyh chy ta ozy thlakha ta ks. 20000/- 30000/- zy piepa ta ahlapa nata alei su thlakha ta ks. 15000/- zy piepata ahlah ta ramaw o zy ataopa ta ama y. Ama Field Secretary Rev Daikau he Yangon taih ara ta tahma he MEC Taiky local church liata achhai.

He ara paih penawh he MEC Hqrs tawhta zy, EMM Office tawhtazy, Mo pakha chy tawhtazy nata MEC Yangon bia local church chy tawhtazy baona achyhta chy piepa ama cha.

#### (b). Ama rapaihna su nata maluh zy

S no	Amarana su	Khih zie	Odyh	Maluh	Remarks
1	Ann Myo	9	28	152	
2	Kanthaukyi	3	3	15	
3	Ma Inn	2	2	9	
4	Kung Wa	1	1	6	
5	Phaudawh	1	1	4	
6	Mint Pya	1	2	11	
7	Yangon	2	4	14	
8	Moko Myo	1	2	6	
<b>Total</b>	<b>Su 8</b>	<b>20</b>	<b>43</b>	<b>217</b>	



*Amo tata alei ahlapata o amasa holo*

## (c). A ma rah awnanopa nata khih duahmo

S no	Khoh moh	Maluh	Chakaotuh	local yzie	Remarks
1	Lotung khoh	35	Proj Nailing	Aboh	
2	Ngauchhaung	15	!!	!!	
3	Bawi wa khoh	34	Ev Laymyint & Proj Shwetan	Arao	Laimyint. Ygn ara Shwetan. Ann ara
4	Pauk wa khoh	15	!!	Aboh	
5	Zarti khoh	1	!!	Aboh	
6	Nan yankung	6	!!	Aboh	
7	Ann Pya	19	Proj San swei	Arao	Sanswei. Ygn ara
8	Azotaung	1	!!	Aboh	
9	Kanlet	88	Pro Vabeiluah	A ra o	Vabeilua Sittway
10	Ai wai	8	!!	Arao	
11	Tibawhmauk	1	!!	Arao	
12	Shian kung	62	Rev. Daikau	Arao	Daikau. Ygn ara
13	Mingaladon	3	!!	Arao	
14	Ngyaupikui	8	Evan Ba shwei	Arao	Ba shwei. Ann ara
15	Zuahaung	13	Proj Ngeichhian & Khin Mar Aye	Arao	Ann lata ama ra
16	Kanthaukyi	27	Evan Tan Myint	Aboh	Abohpa zydua 10
17	Melet maung	69	Evan Tin Mau U	Aboh	Araopa zydua 9
18	Khamautaw	6	!!	Aboh	
19	Ann Myo	22	Pro Sokhah	Aboh	
	<b>Zydua 18</b>	<b>431</b>	<b>12</b>		

## (d). Relief soh hmona duahmo

S no	Particulars	Amount	Remarks
1	EMM Office tawhta	Ks. 750,000/-	Relief soh
2	Rev Thauko tawhta	Ks. 250,000/-	Mch Khaimau+Mch Thlasah, Aust
3	Rev Vazilai tawhta	Ks. 150,000/-	Mch Roletha, Aust
4	Hqrs Lialaipi tawhta	Ks. 2,500,000/-	Relief soh
	<b>Total</b>	<b>Ks. 3,650,000/-</b>	

Remark;

*He acho liata number 1,2,3 zy he ama daihty lichih nota thlai ama raipa acha vata list sianopa chhao vaw tao hma khao veih ei.. MEC Hqrs tawhta paphaopa Ks. 2,500,000/- pa raina list deita he liata vaw palasapa acha.*



*Relief sapha zy Missionary Pro Vabeiluah ta arai laih ei*

He zy liata Yangon bia local church zy liata a ra penawh he local church chyua ta ama deichhy haipa acha. Thokha hlaofa pata ama nie ama tlua holo hra tahpa acha. Local church arao haw pazy lia heta ama chhyna o nata a hmobaohzy cha ama rasai thlaha. Awnanopa local church dei rao ta chyhsa ara leipa ta a ngua thlahapazy ama y holo hra tahpa acha.

Kanlet liata chakaotuhpa Pro Vabeiluah deikua a sawchapaw arih liata chieleipa vata Yangon thohna o pangaiyata major operation tao ei ta a tahma a vaw tla haw. EMM Office liata ama y chy. Daihti reileipa liata a awnanopa yna su Ann khih la sie awpa ta apachhuhpanoh hai.

(Source; Rev Daikau & Pro Vabeiluah report)

## **2. Hlaytu Field report**

Hlaytu field he ama field secretary pa Rev. Va u @ Naing Oo yna su Minpya Myo tah deileipa ta cha ama awnanopa yna khihzy la he chariah buabana a y leina su ta acha.

Covid 19 vata sawkha ta kho pualei awpa lockdown order chhao kha amozy yna la he cha yzie hnei leipa hawhta tla acha. Apakhynazy, ABeipa zapati chakaonazy, Myuthie alynakyhchhinazy nata committee zy he regular ta ama hnei pazao ngala.

Thla 3 chhoh liata hawti thiehpaa mo 3 pi ei ta, athipa chano pakha ama y. Atako 2020 MEC General Assembly, Lialaipi liata pastor Ordination ama chahnao thiehpaa Rev. Than Tun ta myuthieh ahneina kyhchhi atao. Ano he Hlaytu field liata ordained pastor hmiatua chaipa acha.

Saku paduana nata achuna zy he a ualua ta padua thei chanei heihpa ta ama pachhuhpanoh hai. Rev. Lodie, Khumi field Missionary pensioner sawchapawpa pastor Sasa tawhta Mintung khih primary saku chata Ks. 500,000/- sponsor ama dao.



*Hlaytu field Secretary Rev Va u acha*

(Source; Rev Va u report)

### **3. Laymyo Field report**

Laymyo field he ama field secretary Rev Khawthai pahrana Tanthaung khih tah deileipa ta cha local church su hro la zydua cha chariah vata nata Covid 19 vata buabana pakhpadeina hawhpa zy y vei.

Tanthaung local church dei apakhyna tao thei mah leipa ei ta, local church hrola zydua cha apakhyna, chakaona, committee nata pakhyipi zy chhao ama vaw tao thei hra. Term thiehpa achana hawhta local chhituhpa election zy chhao ama vaw tao haw hra.

Tiama papua ngasapa ta ama vaw pachhuhpanohpa Laymyo Gospel Golden Jubilee kychhi deikua he ama pahrana rah Paletwa pai liata chariah adyuhnazy vata a vai thai ngasapa ta April 3, 2020 on Friday pata Buchhauwa local church liata nohkha ta ngalah dei he ama vaw tao thei haw hra.

Ama Jubilee Pakhyipi liata Mother church la tawhta nata EMM Office la tawhta a vaw hlao thei tla khao vei hr'ei sih la, Ama Missionary hmiatuapa Rev. Thlachhau nata Matupi tawhta Pupa Kohne, Laymyo Gospel Golden Jubilee Choir Conductor zy pano deita he khichhai ta ama hlao theipa acha.

Ama rah thatihpha ko 50 na Golden Jubilee kychhi chata program pha ngasapa ta a pachhuhpanoh ei ta ama hmotaopazy cha ary la hawhta acha.

1. Jubilee alyna rahaopa bie 3
2. Jubilee alyna bie phuahpa 3
3. Jubilee alyna bietaihna 2 (Jubilee kho la liata cha manomapaw zy chha liata eima ngiathai thei leipa zy kha angathai khai ha ba awpa nata apoh na lapa ta dyu pacheisa tyhpazy kha apoh na la khao lei awpa).
4. Laymyo Chin KTP ta Golden Jubilee Choir Video cassette ama vaw taopa release na. ( Rev. Khawthai chhohkha no ta Ks. 50,000/- ta release atao).
5. Golden Jubilee Souvenir chabu release na (Rev Kan San Bawi chhokha Ks. 100,000/- Pupa Sotein chhohkha Ks. 100,000/- nata Pupa Thanlung chhohkha Ks. 20,000/- zy ta release ama tao).
6. Laymyo Chin Biehraih thiehpah release na (Missionary Pensioner Evan Pawzau chhohkha Ks. 300,000/- Sayakyi U Lungthang chhohkha Ks. 150,000/- Pupa Thunkhain chhohkha Ks. 150,000/- Pupa Chhathian chhohkha Ks. 100,000/- nata Awnanohyutuhpa U Lawmun chhohkha Ks. 100,000/- zy ta release na ama tao).
7. Ama Jubilee athei thlahana lobo pahyna nata local church chyu ta lobo bona zy tao ei ta, Pakhyipi ahmie chata Buchhauwa local church awnanopa ta ama vaw pachhuahpanohpa hry liata vaothaw po 7 nata seitohpa po 3 he vaw palai haw ei ta, ama awnanopa chata field secretary ku lata ama vaw hla haw.
8. MEC, ECM nata EMM Office zy lata Jubilee Dawkhoh miakha chyu vaw present eita Sittway liata Mission Director ku la ama vaw hla.
9. Hmuntanu achhyna o he Ks. 10,000,000/- Budget taopa ta sa awpata ama chhuah. Assembly Project tawhta No. 2 Presbyery ta Ks. 3,000,000/- pie awpa acha. Amo local church tawhta Ks. 7,000,000/- nata tlah rai hria acha aw. Tahma he aleiraopa (Okhe)tlo 12000, Leisadi (Balu) Tim 10 nata alophypa (Rora) Tim 5 ama chhuahnoh chili hai chy. Phusa ama hmo pata nata chhaichhi hropazy chalei ta thlai sa awpata ama ma haw ba.

Laymyo awnanopa he thlahpa la liata thata a vaw hra ei ta, Golden Jubilee chata ama vaw pachhuahpanoh zie zy chhao ama tha a vaw tlo ngasa.



*Ama local chyuta lobo ama bo chy*

(Source; Rev. Khawthai report)

#### 4. Myo khami Field Report

Myo Khami field he field mia 5 zy hry liata chariah adyuhna zy vata rairu rietheina atyh chaipa field miakha ta acha hra. Awnanopa yna khih 18 hry ta khih 3 arao haw. Odyh 112, Maluh zydua 749 hry liata IDP camp liata a ypa maluh 155 ama pha.

(a). Thla 3 chhoh liata ama awnanopa sahlaozy tawhta su hrola ta a pasie hawpa odyh 9, maluh 42 ama y.

(b). Thla 3 chhoh liata chakaotuhpa mo 3, Rev Aung Tazar, Rev Awkhoh nata Evan Hla Zinu zy chieleina vata thohna (clinic) ama kiah chyu.

(c). Field chhoh chakaotuh nawhzy ta Covid 19 vata achhyna service ama hnei thei khao leipa chhao ta awnanopa oto chhohkha thlahchhana ama hneikhei pazao pha lyma.

(d). Kanpu khih local church liata Krizyh hmiatuapa Mch Kyaw Aye he ama khih liata awnanao local church adua thei nawpata tiama hriapasa ngasapa acha. Chieleina (cancer) vata May, 2019 tawhta Yangon thohna o pangaipa ta YMEC awnanao sahlaozy ta thata vaw mohoh pha eita anodeikua 25,6,2020 pata ABeipa liata a vaw paha haw. Awnanopa ta ama cho liata ama hmopha taona zy he aly ngaita ei ta awnanopa kyhpachana he ama khihsaw ta novahna ama vaw hnei ngasa ba.

(e). Myokhami awnanopa he riethei rairuna liata a vaw y lymapa ama chana hawhta rairu atyhpaa refugee zy cho liata awnanao nata NGO zy thapasana hmopha taopazy heta ama paloh vaw hria ngasa ta, anawhchaipazy deichhy mohohna chata nata awnanopa chata thyupakhyna hawhpa zy liata vaw tiama ngasa ba.

(f). Taungmin Awnanopa ta thyupakhyna tiama vaw papua ei ta ama awnanopa abyuhna lia maih hma awpata Generator Ks. 450,000/- mapa ama vaw chalei thei haw. Ama field chhoh local chyuta athipa Mch Kyaw Aye chhohkha taokheina chata thyupakhyna ama hnei.

(g). Ama awnanopa thatihpha ko 50 na Golden Jubilee kyhchhi he adyuhna zy vata vaw hmah thei khao vei hr'ei sala, Pino Zawzawno, YMEC KNP chhituhpa tawhta lobo nata alyna kyhchhi chata sponsor dao eita, lobo he November 26, 2019 nohta ma bo haw. Rah buana vata kyhchhi tao theikhao vei hr'ei sala, July 11, 2020 Pachynoh liana khata Taungmin local church liata alyna bie hla nata pati doh khohna program ama hnei.



*Myo Khami field Golden Jubilee Thanks giving program,*

*Sponsored by Pino Zawzawno, YMEC, Yangon*

1. *Lobo chata* ..... Ks. 500,000/-
  2. *Thanks giving chata*..... Ks. 1,400,000/-
- Total*..... Ks. 1,900,000/-



*Myo Khami thatihpha Golden Jubilee alyna pati doh haino*

(Source; Rev Beichhitha report)

## **5. Mro Field Report**

Mro field he cha EMM field zydua hry liata chariah adyuh vata rairuna a tyh hluh chaipa field ta acha. Awnanopa yna kihy 37, Odyh 378, maluh 2230 hlei hry liata Odyh 181, maluh 1022 he refugee camp liata ama y chy. Thokha camp la puathailei khihsa thai leita ama hrai hawpa hawhta kho apua thei khao leipa kihzy ama y holo hra.

Rofield awnana sahlaozy he Township 4 ( Butitaung, Maungdaw, Ponankyun, Kyauktaw) chhoh liata a ypa cha eita, ti lapi nata tlah lapi sai hmapa chata atahma cha sievawna ma cheipa pata khitly lyliapata Missionary nata chakaotuhzy ama awnanopa ama vai pha lyma.

Achhyna nata chakaona raihria zy chhao he acha thaina hawhta Quarter liatazy o liatazy thlahchhana rakha ta ama hnei pazao lyma nga chy hra.

Rairuna hluhpi hry liata raihria patlua eihpa chakaona thokhazy a y hra.



1. EMM Office tawhta eima rah lata a paly ba awpa Saya Rotha chhohkha nata Rev Lechau chhohkha pathliena chata mietohpa po 2 aphaopata chyhsa 25 ta Sittway taih chibaih buna ma vaw hnei.
2. Ponankyun Township, Thonbu khiih achhyna O thiehpa pahyna he May 3, 2020 lia ama tao thei.
3. Mro rah Thatihpha Golden Jubilee he chariah vata vaw tao thei khao vei hra ei sala, hriatuhpazy ama thla hlao tawhta mo pakha Ks. 10,000/- thyupata Golden Jubilee Souvenir papua awpa ta Committee paduapa ta ama ra pasua lih chih hai.
4. Khazohpa achhyna liata ama peimawh chaipa Mro hlabu he Mara Krizyhpah Hlabu lia achopata hla he palie eita, tahma abu ta ma chhuh thei haw.
5. Thla 3 chhoh liata ama awnanopa soh thyuna zydua Ks. 491,100/- acha.



*ABeipa reithaina hlabu (Myo) sponsored Ks. 500,000/- by MEC KNP CC*



*Myo field liata Thonbu local church Achhyna O pahyna; Achhyna O sponsor, Ks. 3,500,000/- by Pupa Hemau, Australia MEC*

Source; Rev Maun San Report

## 6. EMM Office duahmo

EMM(Evangelical Mission, Myanmar) Office, Sittway liata hriatuhpazy ta April, May, June chhoh ta ama chakaona tlahpipazy he liata eima vaw palasa.

1. Cherity Home liata khichhah 82 he ama patlo sa( April liata..maluh 24, May liata maluh 15, June liata maluh 43).
2. June 12, 2020 liata Hlaytu field tawhta Hospital a vaw kiahpa U Kyawsaw thipa pasopanona liata buaba kheipa acha. Ks. 20,000 pahryupa ta mei ta raopa acha. (Ano he ama khih liata awnano hyutuhpa sawchano no vahpa cha ta Krizyh mah leipa acha.
3. June 13, 2020 liata Hlaytu field tawh Hospital a vaw kiahpa Daw Ma Myat Sein thipa pasopanona liata buaba kheipa acha. A pabu awpa ama khoh khacha hawhpa vata Ks. 95,000 pahryuhpa ta Myahle la ta kaw pabupa acha. (A no he cha Krizyhpa no phahnai kawpa acha).

### EMM Office Staff zy

Sr. No	Name	Position	Place of birth	Father's name
1	Rev Samuel Lathai	Director	Sabyh	Mch Nahlie
2	-	Dy. Director	-	
3	Saya Aye Zar	UDC	Lialaipi	Saya Zauko
4	Pupa Senaoh	4 <sup>th</sup> Grade	Sabyhpi	Km Mabie
5	Ls. Seihnai Khithieh	4 <sup>th</sup> Grade	Taungmigala	Rev Ratha



*EMM Office staff zy*

Thlahchha miah baotuhpa awnanopa mopathaihpaz ydua eima chaly ngasa.

Nama deichhpa

Rev Samuel Lathai

EMM Office, Sittway

